

OMUKWETU

Registered at the General Post Office as a Newspaper



Mbaka yatatu oya adha onkatu M.A. meilonge lyawo lyuuteologi. Okuza kolulyo sige kelumhe; omusitagongalo Hance Mwakabana Omitanzania, omusitagongale Lasse Lehtela omutumwa a kala nale kuTanzania nomusitagongale Thomas Shivute.

Omusita Lehtela ngashingeyi oha longo mombelewa yEhanganotumo lyaSoomi, muHelsinki okukiyila aatumwa aape meshilengatume. Ehekelele ekwawo tala kepandja 5.

ENGELA LYE SHI FULULAKO SHONGERKI YAWO

"Otu wete olupe lwongerki ndjika lwa fa ombila. Osho, oyo ombila yokufu-
mvika mo oondjo moka aanona naakuluuntu yomapif ngaka nomapipi tage ya taa
ithanenwa mo ya fumvike oondjo muJesus Kristus."

Osho omuwilikingerki Kleopas Dumeni a tumbula manga a thikama moshiyambelo
pamwe naayakuli ye yahamano, mOngerki ompeempe, mEngela.

"Ileni aluhe megumbo ndika lyOmuwa, Betesda, mu silwe ohenda ne mu talale-
kwe, sho tamu igidhilwa edhimopo lyoondjo nemangululo." Osho tate Dumeni
a ti.

Oshituthi sheyapylo lyOngerki mEngela
osha ningwa pekati komwedhi nguka.
Aangela oya pandulwa noya simanekelwa
omukumo gwawo sho ya longitha omaliko
noonkondo dhawo okutungilwa Kalunga
ongulu yo opala.

Pahokololo lyomusitagongalo Natanael
Shinana ooranda dhi vule 11,000 odha
li dha gongelelwa etungo ndika manga
omuwiliki gwetungo omusamane Raimo
Holopainen a tengeneke R 13,000.
Aantu yomathele 500 sigo 600 otaa gwa-
nene mOngerki ndjika.

Aluhe omagongalo muSoomi oga kala pa-
mwe nomagongalo gomuelck okutunga oo-
ngerki. Shika oshi iholola olwindji
nopompito ndjika wo.

Ongundu yaakulukadhi megongalo lya-
Savonlina oya gandja omagano gomalapi
omawanawa okusaleka kowalitali noko-
shiuvithilo. Egongalo lyomuLeppövir-
ta lya gandja ongendjo onene okuhiyi-
la ooyitaali kongulu yaKalunga. O-
ngendjo oya simanekwa nedhina "Tate-
kulu Ismael Ninda," omusita omuvale-
lwamo gwotango okuwilika egongalo
ndika omimvo odhindji.

Ongundu yolwiimbo megongalo lyaPari-
kkala oya gandja oshiyaha sheshasho.

Egongalo ndiyaka lya li lya towapale-
kwa noondjimbo komatanga gi ili nogi
ili koshipaka shongundu onenennene
yi vule 3000, ndjika omuwilikingerki
e yi hiya ethimbebethimbo moshipopowa
she okutondokela meBetesda nokuyaala
mwiya uuthigona nedhimopo lyoondjo
kOmuwa.

Mokutumbula iitye yeyapulo, tate Du-
meni okwa ti: Omakuma gongulu ndjika
nongendjo ye endjelela moshungo pondja
ayihe nayi kale ya yapulilwa Omuwa.
NaKalunga kesilohenda ota ka yambeka

omauvitho nomasakramendi taga ka topo-
lwa mongulu ndjika, Betesda.

Ya Yt Mevululuko Lyaaluhe

Manga inatu mana elongekidho lyoshi-
fo shetu moka twa tseyitha etsikilo
lyomwiilongi gwOngerki, omusitago-
ngalo Tomas Shivute pamwe negumbo lye
muSoomi. elaka olye ya ishewe omba-
dhilila, kutya he, Sakaria Shivute
okwa mana oondjenda dhe ombadhilila
moshipangelo shEtumo shaNandjokwe
23.6.1974.

Omusitagongalo Matias Nghipandulua
pamwe naamushanga gwoshifo oya fala
ekundo lyOngerki okuhupulutha omuse-
lekadhi noothigwa negongalo alihe lya
Nayena.

Umukwetu ota halele tate Tomas Shivute
negumbo lye muSoomi ehekeleko tali zi
pombanda.

=====

Natango elaka lyoluhodhi lye tu adha
lya zi kuNdowishilanda nokutya omu-
tumwa omukulu nomulongi gwaasita
yaVELKSWA, omusitagongalo Otto Milk
naye wo okwa mana oondjenda dhe.

\$ Elaka lyOmuwa aluhe olya yela moka-
ti ketu. Longekidha egumbo lyoye o-
oshoka oto si.

©Ogandi mu indilile omaudhigu geni ga
shituke osheelo shokuya methimbo lyema-
ngulukulo lyu udha, Kalunga a kokihe o-
hole ye oku mu hola - Osho meme Rauha
Voipio, a kurdu aaleshe ayehe sho ta
shuna kuSoomi sigo aluhe.

=====

K A L U N G A N O Y A N A

Oye nokwa ti kungame; Sha gwanithwa, Ongame A na Z, etameko nehulilo. Ngoka a sa enota ongame otandi mu pe moluthithiya lwomeya omanamwenyo omagano.)- musindani ota ka thigulula mbika, ngame notandi kala Kalunga ke, noye ta kala omumwandje. Ehol. 21:6,7

=====

Olwo lwotango membo ndika lyEhololo, sho Kalunga ti ipopi yemwene: Ongame A na Z. Ondanda yotango noyahugunina melandulathano lyuunyolo ndyoka hatu li longitha, olya faathana naanaa naandyoka Aagreka ya kala haye li longitha muunyolo wawo noko kwa fanekelwa edhina lyaKalunga.

Utango waKalunga nuhugunini we, Kalunga mwene okwe u holola nale momakana gaaprofeti. Jesaja okwe u tumbula ngeyi: Ongame ngu omutango nomuhugunini, ongame awike Kalunga, kaku na gulwe. 44:6b

Etameko kali shi oku uvika ko, kutya opo mpoka Kalunga okwa tameke nenge ethimbo lyaKalunga olya tameke. Andola shi kale ngeyi, andola omapulo taga tsikile, kutya konima manga Kalunga kwa li kee ko, oshike sha li ko?

Etameko lye olyomuushito nale. Kalunga kee na mpoka kwa li kee ko. Oye olunza lwaashihe sha holoka po methimbo nomeshito, sha valwa nenge sha shitwa. Edhina lye olya hala oku tu longa oondunge ndhoka tatu dhi adha wo medhina-tsikilo "Ehulilo". Ehulilo mpaka kali na sha wo nethimbo nenge nomundjondjomokelo gwasha shilwe. Ihe shika oshi na sha neadho lyoshilalakanenwa netsakanitho lyaashono sha pulandwa kuKalunga. Kalunga oye omutameki gweshito alihe noye te li thikitha mpoka e li dhiladhilila.

Pehala limwe Johannes ota popi ta ti: Omwenyo kehe ogwa tameka muKalunga notagu hulile muye. Omuyapostoli Paulus oshinima shika ote shi popi kashona noondunge dhopaufilosofi sho ta nyola: Oshoka ayihe oyomuye nomolwe tayi shuna kuye. Rom. 11:36

Omusinota otandi mu pe mothithiya yomeya gomwenyo. Ov. 6 b. Shono tashi mana aana yaKalunga kuuyuni osho enota. Oonkambadhala odhindji odha ningwa notadhi landulwa natango koyendji okumana po aniwa enota ndika, ihe osima yowala. Omithima dhi ihupilwa kaantu itadhi mana po enota. Omalovu gi ihangelwa kaantu itagq mana po enota lyomuntu. Oonkolwi otaa nu sigo ya kolwa inaa zimina kutya ya za ihe enota. Omeya itaga adha po penota, uuyuni otau si enota. Otali zi peni?

Ayehe oomwenyo dha tokoka mo nenge dhi li mondjila yokutokoka mo mekwatathano naKalunga, otaa ehama kenota ndika. Oku ya pa omeya tage ya kumitha oku ya shuna melumbakeno naKalunga Joh. 7:17; 4:10,14; 7:37. Shika otashi ningwa omagano pwaa na iilanda Jes. 55:1-2 Tala, omuJesus amuke uuyuni wa fudha omufudho gwewululuko. Kalunga okwe mu gandja omagano.

Okukala muKalunga inoo nakulwa mo kenota, osho onkalo yekondjo, onke aasindani moshinima shika Ombimbeli otayi ya ithana aanelago, na Kalunga oku ya nena omauvaneko owinawina: Otandi kala He noye ta kala omumwandje Ov.7. Mpaka uukwagumbo waKalunga otau monika wa gwana po, Kalunga noyana pamwe. Ekondjo lya pwa po. Tala egumbo lyaKalunga li li paantu 21:3.

Ompangela yaKalunga mekwatathano lye noyana inayi za ohela, oya za keshimbi-ko. Omupsalmi ota hunganeke elaka lyaana yaKalunga otali kala limwe alike: "Ongoye Tate." Ps.89:27 a. Kaku na esimano enene muumbwalangandja auhe wuuyuni, li vule ndyoka Kalunga te li gandja komuntu gwe ngoka te mu inekele

(Sebulon Ekandjo)

XXXXXXXXXXXXXXXXXX

Coggan Ta Ka Wilika Ongerki

Omubishopi dr. Donald Coggan okwa hoololelwa oshilonga shewiliko lOngerki aishe yaAnglikani mounyuni. Euliko laye ola ningwa eshi omubishopi omukulunhu dr. Michael Ramsey ta ka dimbulwa diva moshilonga shaye a ka lye omungome wometulumuko.

Omushamane Coggan (64), omubishopi waYork, England, umwe waava va pyokola nawa elaka lOshiheberi, okwa ulikwa kohamba Elizabeth ongomukulunhu wOngerki yaEngland palombwelo loministeli yotete yoshilongo.

Moshipopipiwa shaye shotete okudja peuliko, dr. Coggan okwe shi koleka nokutya oshilonga shaye shinene otashi ka kala she lipamba komukundu waava va kanifa eitavelo. Kombinga yomaudjuu omonghalafano, omubishopi okwa ti:

Ngeenge wa itavela nokutya omulaule naye yo omona waKalunga ngaashi omutilyane nande ina pitikilwa oufikepamwe, nena eitavelo loye pautologi otali ku fininike u ye moupolotika omolwokatongotongo.

Omubishopi Ramsey ou ta ka wanifa eedula 70 muNovomba neudo, okwa lela Ongerki efimbo lile. Ombelewa yelelo lOngerki aishe yaAnglikani mounyuni, ohai kala muCanterbury.

#####

OUDIAKONI MU E L O K

Omaongalo 32 okwa talelwa po komukulunhu woudiakoni mOngerki, fimbo omaongalo 18 kwa li a yakulwa kovadiakonilongwa omudo 1973. Osha dja mehokololo lomukulunhu woshilonga shoudiakoni mOngerki, meme Irja Soikkeli.

Mokweenda kwaye mokudingonoka momaongalo mOwambo noKavango, meme Irja okwe shi mona nokutya oshilonga shoudiakoni otashi longwa nouhefi momaongalo amwe ile kashi mo nandenande, ngashi moKavango.

Apa mOwambo nande konyala meongalo keshe omu na okangudu koudiakoni, meme Irja ota ti eyambidido lihapu natango ola pumbiwa kougudu ava okuningilwa oyoongalele omafimbo nomafimbo.

Ovafita vamwe ova kwafa unene ovalideuli ovo inava mona etalelopo lomuwiki wavo. Apa omuwiliki a fika kovalideuli, ovafita vamwe ova kwafa mokweenda pamwe momaumbo nomomikunda, osho yo ovaevangeliste "ovanhu nova mona e- kwafo keembinga adishe," osho meme Irjalonga yomudo ~~xxx~~ a hokolola.

Elideulo lovadiakonilongwa ola kala oule weehani nhatu momaongalo okudja Septemba 1973.

Momaongalo 24 omwa ningwa oyoongalele

yovadiakoni neenghundafana pamwe noungudu woudiakoni momikunda. Momaongalo 8 eenghundafana oda ningwa ashike pokati kaye nomufita weongalo.

Meme Irja ou a enda pamwe nomudiakoni meme Kristofina Ndatjomawe, ina dimbwa nande okutumbula ehafo laye omolwohokwe iwa e i mona movafita vahapu okulonga oshilonga shoudiakoni. Otava pandula yo natango komayakulo mahapu oo va pewa momaongalo momalweendo avo.

Kombinga yoshilonga eshi koKavango okwa fa taku pumbiwa natango eenghendabala dipe mokuyandja ouyelele kombinga youdiakoni nhumbi u na okulongwa meongalo.

Eshi oshi li paife mefiloshisho lomupashukilishitaingerki shinya.

"Oshilonga shoudiakoni itashi fi nande, alushe otashi xumu komesho." Osho meme Irja a xulifa ehokololo laye lo-

=====

AISHE EI MWA NINGILA OVAMWATATE AVA VANINI, AME MWENE MWE I NINGILA

@@@@@@@@

SHIVUTE A MUNA ONKATU

MUTELOGI

Esiku eti 27.5.1974 omusitagongalo Thomas Shivute okwa mana eilongo lye nokwa taamba onkatu yuteologi niitsa iiwanawa lela mouniversiti yaHelsinki muSoomi. Thomas pamwe negumbo lye oya thikile muSoomi 1970 nokwa tameke eilongo lye mbala sho a thiki.

Pamwe natate Shivute omusitagongalo Hance Mwakabana, Omutanzania okwa mono wo onkatu ndjika. Oya tameke oshita eilongo lyawo. Ayehe yaali pamwe naanegumbo lyawo, cya li aastipe-ndi (ya kwathwa iimaliwa yeilongo lyawo) kEhangano tumo lyaSoomi.

Aasitagongalo mbaka ayehe, oya adha onkatu M.A. muteologi. Omolwiitsa iiwanawa yoonzapo dhawo, nomolwiinyc-lwa yawo yoonkatu ya monika iiwanawa aalongi yawo oye ya pe ompito dhoku tsikila sigo ya adha omuthika gulesensiasiati (onkatu popepi ndondo otola)

Omusamane Thomas Shivute omutumwa gwOngerki yOwambokavango wota tsikile ano okwiilonga kwe okuza oshikako tashi ya, opa a ka adhe onkatu tayi landula.

Nonando Shivute negumbo lye oya li ya yuulukwa okuya kegumbo noya adhika ya longela noya tseyithila aakwawo kutya yo otaye ya nuumvo, omolwompito ya tya ngeyi yi na ondilo ye yi mono, oya tokola ngaa ya tsikile eilongo lyawo ngaashi ya mono esilohenda ndyoka. Epangelongerki lyaELOK, nalyo wo olya zimine omadhiladhilo ngoka. E-

kundo lyawo otali ti ngeyi:

KRISTU! NONGERKI MOSHIKUNGULU

Aaleshi yOmukwetu,

Efuta olya pindjala naalongwa o taa kakama. Ombepe nomakuthikuthi oga tukuluka, novato otayi hala okuningina mo. Elago lyaalongwa, olya li tau mpoka sho Omuwa omo a li mowawo. Omuwa Jesus ota ganda iikungulu

Ongerki yOmuwa, moka ngoye u li mo oshilyo, oji li mokati kiikungulu. Onda shi shi ongoye onzapo yaashika Omuwa ota ti: Ikoleleni, oshoka ongame onda siidi uuyuni. Niikungulu wo oya sindwa

Ethimbo ndika oli li mepangelo lyOmuwa, oshoka oye a pewa onkondo a dhihe megulu nokombanda yevi. Otato punbwa omeho ga tonatela iilonga yOmuwa mbyoka te yi longo mokati ketu.

Tu ndhindhilikeni nawa - kapu na ngoka ta vulu okuhupa moshikungulu, ngele te ende mo kee na Jesus. Tu galikanenathaneni, aamwameme.

Omakundilo ogendji:
(ooShivute)

OILONGA YOMUKAINHU OMUYAFRIKA

OILIPIPO?

Ependulepo ledu la Afrika mombinga youkwashiwana ile oyopangerki, ovakainhu Ovayafrika ove shi tala kutya oi li yo momake avo, shimha tuu tave shi pitikilwa. Omadiladilo aa okwa dja meenhulo dovakainhu va li oilyo yoshonngalele shaaveshe sheengerki adishe muAfrika (AACC), muLusaka, Zambia.

Naku dikwe okenguduyandjinayeke kovalumenu novakainhu, okutunga eshikula-fano loyoongalele yovakainhu okukonakona mukeshe tuu shinwe sha pamba okukalamwenyo kwomunhu. Osho ovakainhu va ringa eindilo kEhangano eli. Ova indila eengerki di li oilyo yehangano eli di yandje ehongo louteologi kovakainhu voo va pewe oufemba wokuudifa nokuhonga meefikola domashasho.

Ovakainhu otava dulu lela okuninga po shihapu okupendulapo okukalamwenyo kwOngerki, ndelenee fiyo omena eengerki odinini muAfrika da yandja oufemba kovakainhu okulongifa eeshali davo di lili noku lili.

Osho ovakainhu Ovayafrika va tonga .

"S W A P O E H A N G A N O E K R I S T E" - Shipanga

"Otu na oshilongatumo shokumangulula ovanhu vetu, omalutu neemwenyo. Hatu kondjo nakeshe shimwe osho tu kwete. Ngeno sha li nokuli tashi dulika ngeno ohatu shi ningi ashike mombili."

Osho omushamane Andreas Shipanga a nyamukula epulo kombinga yelongifo leenghono.

Emanguluko loiwana ola kundafanwa unene moshongalele sheengerki daAfrika muLusaka, Zambia muMai 74. Eengudu dovakondjelimanguluko muumbuanhu waAfrika okwa li da tuma ko ovakalelipo. Omukalelipo waSWAPO, omushamane Shipanga okwa kundafana naRoelf Meyer a dile ku S.A.

Meyer: - Tate Shipanga, ove lyelye naanaa nomoshongalele eshi oulilepo lyelye?

Shipanga: - Ame Omunamibia, paife ohe longo muZambia. Omahepeko ovanhu vange noange mwene okwa fininika nge okufiya po oshilongo shetu. Ngeno nda li mo, ngeno osho onda dipawa nale ile ndi li modolongo yomido 20 ile yokukalamwenyo ngaashi vakwetu ve li mo.

Moshongalele eshi onda tumwa mo kovawiliki vonguëu yemanguluko okutambula o-madiladilo aavo ve hole omanguluko, ohole nouyuki.

Meyer: - Elalakano laSWAPO olilipiפו?

Shipanga: - Emanguluko lomunhu keshe muNamibia itapu talwa oluvala, omuhoko ile eitavelo. Ovannhu vetu unene ovaunguli ava tava xutulwa va tambule ouyuki.

Meyer: - Ou na tuu Kristus ongomuxupifi woye. Oumukriste tuu?

Shipanga: - Ame owepupi etitatu moukriste mepata letu. OndimukwaLuther, nda yapulilwa oshilonga sheudifo mongerki yetu.

Meyer: - Vahapu vovakondjelimanguluko ovakriste yo tuu?

Shipanga: - Eepelesenda 90 adishe ovakriste

Meyer: - Ongerki itai tu kumwe mepulo lomukriste ta dipa. Vamwe itava popile edipao nokatongotongo oko taka longifwa mu S.A. naSuidwes (Namibia) Ove oto ti ovakriste nava popile edipao?

Shipanga: - Fiyo onena onda tomhelwa nomolwaasho ndi li omukriste fiyo onena, kutya naJesus ngeno okwa li e na omwenyo monghalo yomahepeko aa tu li muo ngeno naye ina ongaonga okweeta po elunduluko momafininiko epangelo. Hano kape na elipulo moshinima shedipao. Olyelye ta popile monghatu yotete edipao? Ngeenge epangelo tali dipaa ovanhu, tali lemaneke, tali hanauna ovanhu, tali li ourona-womayovi mahapu ondjala omudo keshe, otaku tiwa kashi shi edipao. Oyo oilonga yepangelo. Ndelenee ovahepekwa ngeenge tava kufa omatati okulimangulula, osha yelela ovakriste vahapu, kutya osho edipao.

Etumo letu okumangulula ovanhu vetu eemwenyo nomalutu, hatu shi ningi naasho tu kwete. Ngeno kwa li tashi dulika shi ningwe kombili, ngeno onawa unene. Ashike ovo hatu kondjifa inava hala oku tu tambula ovalaule. Eshi hatu dulu otu kondjele ashike exupifo letu.

Meyer: - Mu S.A. ohatu udu luhapu vati ovakondjelimanguluko otave uya noukomunisi, navahapu ovakomunisi. Vati oilongo yovakomunisi otai endeke kombuda yeni okukwata oshilongo shaS.A. Odoshili?

Shipanga: - Ovahepeki vetu mu S.A. ova hala ashike ngeno omulaule keshe a ninga omukomunisi. Omolwaasho ovakriste ovakomesho ngaashi nakusa Albert Luthuli ve mu kwatele nokumweneke paveta ei. Osho yo vakwao vamwe. Mu S.A. oukomunisi okeshe shimwe tashi kondjifa okatongotongo. NaJesus ngeno pamadiladilo epangelo la S.A. oku li omukomunisi. Fye ongovakriste otu shi oshinakuwanifwa shetu nokape na ou ta dulu okulundila SWAPO kutya omukomunisi.

ONHELE YOVATILYANE OILIPENI?

Da dja kepandja 6

Pamwe owa uda oikondjifo oyo hatu longifa ya dja koilongo yovakomunisi. Kombinga yetu oshe tu yeleda nale kutya kape na nande oshilongo shimwe shokuninginino tashi dulu oku tu pa oikondjifo oyo pamatomhelo mahapu. Lwotete omolwomahangano avo aa e li apa, pativali omolwekwatafano lavo nomapata avo aa e li apa mu S.A. Fye pamadiladilo etu, ondjebo, ondjebo ashike, ngele i kale ya longwa kovakomunisi ile ya longwa kOvayamerika ile nokuli mu S.A. Ohatu i longifa ashike ongondjebo.

Meyer: - Oku na Ovakomunisi ava tava kondjo pamwe nanye?

Shipanga: - Osho osho nee ihashi ningwa osho. Fye ohatu limangulula fyevene. Otwa kondja muNamibia, moKapriivi nomOwambo, omolwashike inava kwata nande Omukiina umwe ile Omurusia? Apa ihandi popi eengudu dimwe dekondejelomanguluko, ote popi o SWAPO, handi shi popi neliudo la yela ongaumwe waava tava kondjo kutya katu na nande Ovakomunisi. Nefinamhango letu itali pitika nande oshilyo shetu shi litule kumwe nomahangano amwe e lili opaupolotika.

Meyer: - Ngeenge omahangano eni okwa findana, pakudiladila kwoye, ovatilyane otava tewa mo moshilongo, ile otamu va tala yo ovakwashiwana?

Shipanga: - Fye otu na omukangha mekonjelo letu. Omunhu ohatu mu tale omunhu. Ihatu tala oluvala ile oshipa shaye. Ngaashi ndi shi shii fiyo onena kaku na omukondjelimanguluko ta popi, kutya omutilyane a telwe mefuta. Omadiladilo aa okwa dja ashike movapangeli vokatongotongo okupopila ovatilyane moshilongo.

Ovatilyane 100,000 muNamibia ope na etomhelo lashike va tewe mo? Fye oshiwana shi fike lunga peemiliyona nhe, notu na atushe onhele ya wana moshilongo.

Meyer: - Mu S.A. otu udite vati eeterolesa otadi dipa ovanhu, shinya ngo, ovalaule nounona wavo. Odoshili?

Shipanga: - Fye vaSwapo ohatu yandje oikondjifo kukeshe ashike oo ta ti kutya okwa hala okulwa. Otu na ehongo lopaupolotika olo tali fimaneke ondilo yomwenyo womunhu. Neevega tadi keelele okuyehameka omukwashiwana, okuninga shapo naye e na oshikondjifo shokudipaa. Ehani 9 omunhu ota hongwa fiyo a shiiva kutya ota kondjele naanaa shike.

Meyer: - Oshibofa shodalate shOvawambo (1971) inashi eta po mbela elunduluko liwa?

Shipanga: - Hashili! Omuunguli keshe omulaüle muNamibia ote shi hokolola. Natango otava landwa, ova keelelwa okudika ehanganano lovanailonga. Nokuli ovo va kwafele mokomitiye yodalate ova dengwa omafiku aa mOwambo. Onghalo yovaunguli otai naipala ya yuka kowii. Ehani 9 fiyo 12 omunhu a tukulwa nomukulukadi waye nounona.

(Ekunuus 11/6/74)

OYENDJI YA THIGI PO ISHEWE OWAMBO

Ongundu onene yaagundjuka aalumentu na naakiintu mOwambo, oya thigi po omasiku ngaka iilonga yawo iiwanawa moombelewa dhepangelo nodhetumo, miipangelo yepangelo noyetumo noshilonga shuulongi ya taagulukile konima yongamba yaAngola ofuthi. Aawiliki yaSWAPO nayalwe mbo- ka ya dhengelwe nayi nenge ya futithwa 1973 naanasikola oye li mongundu ndjika. Etengenekomiyalu dhaamboka ya zi moombelewa pamupopihapu gumwe, oye thi- ke ando 50, manga ayehekumwe aafa- dhukipo ngiika 400. Etaulya fa ndi- ka olya ningilwe lwotango okuza 1960 ndyoka lya kaleka oyendji pondje yo- shilongo sigo onena. Oshikando shika osho shotango aakiintu mOwambo ya komukalo nguka.

E H I Y O K O M A G O N G A L O M O W A M B O

Aasita yomagongalo agehe gomOwambo, aakuluntu yomagongalo naayehe mboka ye na ehalo lyokukwatha aantu ongaakriste, otaa indilwa nesimaneko ya gongele omiyalu momagongalo dhaamboka inaa tseya natango okulesha nenge mboka ye na ehalo lyokwiidheula okulesha nawa.

Ehangano lyokukwatha aakuluntu naagundjuka mokulesha, otali ka tameka mbala oshilonga shalyo mOwambo muJuli 1974. Mboka inaa mona ompito yosikola nenge inaa kala mosikola ethimbo ele opo yi ilonge okulesha nokunyola, naamboka ya hala okwiihumitha komeho:mwaambika, oye na ngashingeyi ompito oku shi ninga.

Edheulo ndika tali ka tamekwa mOwambo mewiliko lyaMestela Obed Emvula (B.A.) nomukwathi gwe mestela Petrus Nambundunga oli na ombelewa yalyo kOvenduka. Osikola ndjika otayi vulu okumanwa metatamumvo ku ngoka i itula mo nehalo alihe. Okulesha neendelelo noneuvoko, osho elalakano lyedheulo ndika.

Omadhina ngele ga gongelwa miinyanga yomagongalo, aasita naye ga tumine kombelewa yaaleshi, Posbus 177, Oshakati.

&&&&&&&&&&&&

Aanona noshilongatumo

Egongalo lyaNayena olya talele po nata-ngo epya lyetumo, Onankali, mOndonga. Aanona ye vule 30 mewiliko lyameme Amushila, oya talele po oshilonga shomokati kAayeleele. Ohapu yaKalunga oyo ya li omulongelo gwawo ngoka ye gu tile mokati kaayeleele. Oya li ya kuminwa unene oshilonga shaagundjuka yOngerki ayihe shono sha longwa pehala ndiyaka, Ongerki ndjoka tayi thikama mpoka notayi yakula eha ndyoka.

Omushamane Silvanus Shikuni oye kwa li e ya thindikile nosheenditho she. Aanayena, Kalunga ne mu tilile uuyamba we owindjiwindji.

Ev.A.Ihuhwa)

Omambo gOombibeli nOmatestamendi ge vule 690,000 oga landithwa miilongo yaakomunisi omumvo 1973. Osha hokololwa kEhangano enene lyOombibeli muuyuni. Oshilongo shaakomunisi sha pata Ombibeli thiluthilu, oAlbania. Natango ope na ompumbwe onene yOmbibeli miilongo mbyoka, Ehangano lya ti.

SHOKA TASHI KALA PO: EITAALO, ETE-
GAMENO, NOHOLE. OSHINIMA OSHINENE
KWAAYIHE OSHO OHOLE 1 Kor.13:13

O M U K W E T U

Oye oshifo shOngerki onkwaevangeli paLuther yomOwambokavango. Ohashi nyanyangidhwa mOniipa. Omukuluntu gwoshifo omumbisofi dr. L. Auala Amushanga gwoshifo Rev. S.Ekandjo Ondando yoshifo komumvo muSuidwes nomuAfrika alihe R 1,00 kombanda yomafuta R 2,00
Oondando nomambesitelo naga tuminwe kOmukwetu, Oniipa P/B. 2013, Ondangwa
Omatseyitho agehe gomuntu mwene ohaga futilwa kumwene

Owambokavango Church Press
Private Bag 2013, Ondangwa SWA

€€€€€€€€€€€€
€€€€€€€€€€